

Hset Philêmon

1.....

Bàu hmàih

¹ Phaulô mangai tù da Chuaq Jesus Christ , xam Timôthê ,oh daq bèn achih ka Philêmon , mangai bua ma haten hatia, mangai ma hadai abroq dèh mòi qmang ti bèn, ² hloe ka Apbi , aih mangai oh daq cadri da bèn , Achip aih mangai bua da bèn ma hadai wiang tajêh , xam ka Tagop Hadrèh ma tagop ta hnim ih , ³ Waiq dòi ih jah kan tabàih xam kan catèm enh Boc Plinh , aih Baq da bèn , hloe xam enh nòi Chuaq Jesus Christ !

Manoh lùl xam kan loq waq da Philêmon

⁴ Au xan manè apôi yôt dèh Boc Plinh , jò au hmàng trùh ih tabàu waiq khàn , ⁵ majah qmang aih au hia tàng manoh lùl xam kan ih loq waq ka bài mangai hadrèh . ⁶ Au waiq khàn dòi ih jah pajùm manoh lùl ti nhèn òeq broq ka ih jah loq tam yeo bàc hòm bài xòq ramot enh dalam ka Chuaq Jesus Christ . ⁷ Kan loq waq ih khoe broq ka au jah lem bùl kàn xam kan alòng , majah qmang aih canòm ka ih, manoh bài mangai hadrèh da Chuaq khoe jah blinh hlài .

Phaulô bòch am ka Ônêsim

⁸ Qmang aih enh dalam ka Christ , yac ka au i cwiàng thê ih broq trong ih ma ep broq ⁹ Mahaq jao kan loq waq da ih dài au majah enh cali calo ka ih , broq qmang aih ma yeo lem . Au kô Phaulô , khoe craq , yàng manòeq kô taiq Chuaq Jesus Christ loh tam ka oe tù hòm , ¹⁰ au cali calo deh ka kon aih Ônêsim , mangai khoe wia kon au jò au oe qne rawiang caxi datoeq . ¹¹ enh nèh , haq ùh i lòeq cleq ka ih , yàng manòeq kô lòeq ka ih bàc trong lòeq hloe xam ka au : au thê haq hlài ta ih , ¹² haq tiah ka cliac clèm au diq . ¹³ Au enh padràng haq oe hlài tacô ti au , òeq hu blòh ih patih ka au jò au qnang oe taqne rawiang caxi datoeq taiq Bàu lem . ¹⁴ Mahaq au ùh enh broq qmòi yac ka yiniq cleq jò qnhòq jah bàu ih , dòi trong lem ih ma broq aih ùh xài taiq kan panan , mahaq diq loh enh manoh hnhoh jang . ¹⁵ Canau haq khoe talah òka ih toq biao òeq ih jah hlài haq hloe hloe , ¹⁶ pi hiaq ngan haq qmang ka hapông dic hòm , mahaq ngan haq ùh hnau ka hapông dic , tiah ka oh daq ma haten hatia , ma yeo loe aih haten hatia ka au , loq ka ih aih kiang ma yeo hnau , enh chac hamac trùh enh dalam ka Chuaq . ¹⁷ Qmang aih tàng joq ih ngan au tiah dèh ka bua ih , ih òh yòc haq tiah ka cla au diq . ¹⁸ Tàng joq haq i broq cleq habo ka ih , i pòq dòeh ih cleq , ih taqmòq òng ka au beq . ¹⁹ Au kô Phaulô , tì kòng cla au achih ka ih bàu kô : I au caqnaih da ih – da ih hòm ih pòq dòeh au qmòi chac cla ih raq ,mahaq ma aih ùh ràu dèh .

²⁰ Joq ê daq , au toq tangèh jah kan lem bùl kô ajang ih oe enh dalam ka Chuaq, enh dalam ka Christ ih drah broq ka au jah tiah dèh ka manoh enh beq . ²¹ Au achih jàiq kô ka ih , au khoe lùl joq ih loq iu bàu , au loq ih broq ùh hnau ka bàu au ma anoe kô .

²² Èh tam mòi yiniq hòm , ih ngan padon òeq ka au hnim padài , majah qmang aih au lùl rameh canòm ka bàu oh daq waiq khàn , au jah hlài ti oh daq .

²³ Êphap-ra , aih bua oe tù ti au enh dalam ka Chuaq Jesus Christ , tanap bàu bòch hmàih ka ih ,

²⁴ Mòc , Aritac , Êdema xam Luca bua abroq pajùm ti au hanoh qmang aih .

²⁵ Waiq kan tabàih dech enh Jesus Christ aih Chuaq bèn oe ti mahua yiang pì !

